



KEMENTERIAN PENDIDIKAN MALAYSIA
UNIT KOMUNIKASI KORPORAT,
KEMENTERIAN PENDIDIKAN MALAYSIA,
ARAS 3, No. 2, MENARA 2, JALAN P5/6
PRESINT 5, PUSAT PENTADBIRAN KERAJAAN PERSEKUTUAN
62200 WILAYAH PERSEKUTUAN PUTRAJAYA.
No. Telefon : 03-8870 6000 No. Faks : 03-8870 6885

KENYATAAN MEDIA
PERTANDINGAN MENULIS ESEI “LET’S WRITE! BE CREATIVE WITH ENGLISH”
SEMPENA SAMBUTAN HARI GURU 2019

English Language Teaching Centre (ELTC), Kementerian Pendidikan Malaysia (KPM) dengan kerjasama Minconsult Sdn. Bhd., Persatuan Oxford & Cambridge Malaysia, English Speaking Union (ESU) dan Sunway University College (SUC) menganjurkan pertandingan menulis esei bahasa Inggeris ***Let’s Write! Be Creative with English***. Pertandingan julung kali ini diadakan bersempena sambutan Hari Guru 2019. Pertandingan ini diadakan bertujuan memberi ruang dan peluang kepada para guru, pegawai dan pensyarah KPM untuk berkongsi idea serta meraikan cerita dan pengalaman mereka tentang perkembangan pendidikan negara dalam abad ke-21 melalui penulisan.

Pertandingan ***Let’s Write! Be Creative with English*** ini bermula pada 6 Mei 2019 dan akan berakhir pada 10 Jun 2019. Peserta pertandingan dikehendaki menulis esei antara 1,000 hingga 1,200 patah perkataan di bawah tema "*Mutual Respect, Love and Happiness Within Teaching and Learning Environment*".

KPM percaya bahawa pertandingan seumpama ini mampu menyerlahkan hasil karya kreatif dalam bahasa Inggeris dalam kalangan guru, pegawai dan pensyarah. Pertandingan penulisan esei ini juga adalah sebagai salah satu pengisian latihan profesionalisme untuk guru, pegawai dan pensyarah di Malaysia, di mana melalui pertandingan ini, mereka secara tidak langsung akan dapat menzahirkan kebolehan berkongsi pengalaman kontekstual yang digarap melalui penulisan.

Pertandingan ini selaras dengan arus semasa pendidikan negara untuk memperkukuh kemahiran bahasa Inggeris dan diharap dapat turut menyumbang kepada pencapaian aspirasi KPM seperti yang dinyatakan dalam Pelan Pembangunan Pendidikan Malaysia 2013-2025 di mana KPM komited untuk memperkukuh bahasa Inggeris sejajar dengan tanda aras piawaian antarabangsa *Common European Framework of Reference for Languages* (CEFR).



KEMENTERIAN PENDIDIKAN MALAYSIA
UNIT KOMUNIKASI KORPORAT,
KEMENTERIAN PENDIDIKAN MALAYSIA,
ARAS 3, No. 2, MENARA 2, JALAN P5/6
PRESINT 5, PUSAT PENTADBIRAN KERAJAAN PERSEKUTUAN
62200 WILAYAH PERSEKUTUAN PUTRAJAYA.
No. Telefon : 03-8870 6000 No. Faks : 03-8870 6885

Selaras dengan aspirasi ini juga, para guru, pensyarah dan pegawai di KPM, perlu menguasai penggunaan bahasa Inggeris sebagai bahasa komunikasi utama dunia dalam penjanaan dan penyebaran ilmu pengetahuan.

Kesemua peserta akan menerima sijil penyertaan dan pemenang pula akan menerima hadiah wang tunai serta sijil pencapaian yang ditaja oleh Minconsult Sdn. Bhd dan Sunway University College. Maljيس penyampaian hadiah pertandingan ***Let's Write! Be Creative with English*** akan disempurnakan oleh YB Dr. Maszlee Malik, Menteri Pendidikan Malaysia pada 26 Julai 2019 di Dewan Za'aba, KPM, Presint 5, Putrajaya.

KEMENTERIAN PENDIDIKAN MALAYSIA
17 MEI 2019